



OPORRAK GURE HERRIAN



Peio
Ormazabal
Villanueva

Nerea
Ibarzabal
Salegi



Doinua:
Zer da gaur Donostian
Hamarreko txikia

Oporrak gozatzeko ez dago inora joan beharrik, gure herrian bapo pasa genezake. Badirudi, ordea, oporrak opor izateko, kanpora bidaiatu beharra dagoela.

Saioa: Bizkaiko Txapelketa 2016, Zaldibar.

Gaia: Hamaika eta hamabi urteko neba-arrebak zarie. Azaroko zubian ez zinien oporretan kanpora joan. Badakizue zuen gelakide asko nonbaiten egon direla. Peio, eskolara bidean, Nereak opor egunen gaineko egia ez kontetea proposatu deutsu.

Peio Ormazabal

Diru aldetik ez dugu
besteen **nibela**
zure plana Nerea
horren da **itzela!**
Imagina dezagun
txikitan **bezela**
espaziontzi handi bat
dugula **logela**
eta izarretatik
ibili **garela**.

Nerea Ibarzabal

Hori ezin da sinestu
baina Benidor **bai!**
Esan ahal dugu plaian
egon garela **alai,**
flotador urdin eta
arrainaren **usai**
ze oporren marrazki bat
egin behar bada, **ai,**
nik gure etxeko sala
ez dut marraztu **nahi**.

Peio Ormazabal

Zure etxeko sala
zer zabiz **esaten?**
Irudikatu gu geu
toki eder **baten,**
plaiara ez garenez
sekula **joaten**
besteek nahi dutena
pentsatu **dezaten,**
niri garenak ez dit
lotsarik **ematen**.

Nerea Ibarzabal

Etxetik ez gara irten
oso **aspalditik**
ta zorientsu gara
hori ondo **dakit,**
baina guaiak ere izan
gaitzke **oraindik**
eta egia esateak
lotsa ematen **dit,**
besteak zorientsuago
iruditzen **zaizkit**.

Peio Ormazabal

Guztia da itxura
inor ez da **salbu**
jendeak zer eiten dau
nahi dauena **saldu,**
bitartean munduak
buelbaka **dihardu**
gazte izan nahi dugun
umeak **gara gu,**
ta bidaiia onenak
buruan **dauzkagu**.

Nerea Ibarzabal

Beti zuk antza gogor
ematen dizu, **ño!**
Egirik nik ez dut nahi
helduta **honaino,**
opor onik ez dugu
eduki **gaurdaino**
esan daigun zapaldu
dugula ehun **laino,**
nahiago gezurti izan
pobre izan **baino**.